

ՀՀ ֆինանսների նախարարություն

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 53/3

8 դեկտեմբերի 2015 թ.

Քննարկվեց ՀՀ Ոստիկանության անձնագրային և վիզաների վարչության 06.11.2015 թ-ի գանգատը ՀՀ ՖՆ իրավաբանական վարչության պետի 21.08.2015 թ-ի թիվ 46 որոշման դեմ:

ՀՀ Ոստիկանության անձնագրային և վիզաների վարչության գանգատում բերված փաստարկները.

ՀՀ ՖՆ իրավաբանական վարչության պետի 21.08.2015 թ-ի թիվ 46 որոշմամբ ՀՀ ոստիկանության անձնագրային և վիզաների վարչությանը ներկայացվել է սոցիալական ապահովության վճարի գծով 2012թ-ին առաջացած 2.496.417 դրամի պարտավորություն:

Վերոնշյալի հետ կապված ՀՀ ոստիկանության ֆինանսաբյուջետային վարչության կողմից 04.09.2015 թ-ին Կենտրոնի հարկային տեսչության պետին ուղղված թիվ 13/1935 գրությամբ առաջարկվել է ՀՀ ոստիկանության կենտրոնական ապարատի անձնական հաշվի քարտից 07.06.2011 թ-ին փոխանցված 885.300 դրամ և 25.08.2011 թ-ին 2.000.000 դրամ գումարները տեղափոխել ՀՀ ոստիկանության անձնագրային և վիզաների վարչության քարտին, որից հետո փոխադարձ հաշվարկների ակտով պարզ է դարձել, որ ՀՀ ոստիկանության անձնագրային և վիզաների վարչությունը պարտավորություններ չունի:

Ելնելով վերոգրյալից՝ ՀՀ Ոստիկանության անձնագրային և վիզաների վարչությունը խնդրում է չեղյալ համարել ՀՀ ՖՆ իրավաբանական վարչության պետի 21.08.2015 թ-ի թիվ 46 որոշումը:

ՀՀ ֆինանսների նախարարության հարկային և մաքսային մարմինների գանգատարկման հանձնաժողովի եզրակացությունը.

ՀՀ ՖՆ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ռաուանասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ ՀՀ ՖՆ իրավաբանական վարչության պետը, քննարկելով ՀՀ Ոստիկանության անձնագրային և վիզաների վարչության վերաբերյալ վարչական վարույթի նյութերը պարզել է, որ 18.08.2015 թ-ի դրությամբ սոցիալական ապահովության վճարի գծով պարտավորությունները կազմում են ընդամենը 2.496.417 դրամ: Նշված պարտավորությունն առաջացել է 2012 թ-ի 4-րդ եռամսյակի հաշվարկով:

Արդյունքում, ղեկավարվելով «Հարկերի մասին» ՀՀ օրենքի 29.1 հոդվածի և «Վարչարարության հիմունքների և վարչական վարույթի մասին» ՀՀ օրենքի 55-րդ, 56-րդ, 58-րդ, 88-րդ հոդվածների դրույթներով ՀՀ ՖՆ իրավաբանական վարչության պետի կողմից 21.08.2015 թ-ին ընդունվել է թիվ 46 որոշումը (այսուհետ նաև Որոշում)

ՀՀ Ոստիկանության անձնագրային և վիզաների վարչությունից 2.496.417 դրամ պարտավորության գումար գանձելու մասին:

Քննարկման ընթացքում ՀՀ ՖՆ Կենտրոնի ՀՏ ներկայացուցիչը նշեց, որ 31.12.2012 թ-ի դրությամբ ՀՀ Ոստիկանության անձնագրային և վիզաների վարչության սոցիալական ապահովության վճարի անձնական հաշվի քարտում պարտավորությունը կազմել է 2.501.640 դրամ, որից ապառք 488582 դրամ, տույժ 2013058 դրամ: Նշված պարտավորության վերաբերյալ ՀՀ ՖՆ իրավաբանական վարչության թիվ 2-րդ բաժին ներկայացվել է տեղեկանք, որը և հիմք է հանդիսացել ՀՀ ՖՆ իրավաբանական վարչության պետի 21.08.2015 թ-ի թիվ 46 որոշումը կայացվելու համար:

Որոշումը ստանալուց հետո ՀՀ ոստիկանության ֆինանսարյուցետային վարչությունը Կենտրոնի հարկային տեսչության պետին հասցեագրված 04.09.2015թ-ի թիվ 13/1935 գրությամբ խնդրել է, որպեսզի 07.06.2011 թ-ին և 25.08.2011 թ-ին փոխանցված համապատասխանաբար 885.300 դրամ և 2.000.000 դրամ գումարները՝ ընդամենը 2.885.300 դրամ, որոնք արտացոլվել են ՀՀ ոստիկանության կենտրոնական ապարատի անձնական հաշվի քարտում, հաշվեգրել ՀՀ ոստիկանության անձնագրային և վիզաների վարչության սոցիալական ապահովության վճարի անձնական հաշվի քարտին: Արդյունքում Կենտրոնի ՀՏ կողմից վերագրյալ գումարները (համապատասխան ժամկետներով) վերականգնվել են ՀՀ Ոստիկանության անձնագրային և վիզաների վարչության սոցիալական ապահովության վճարի անձնական հաշվի քարտում: Մասնավորապես, կատարվել է սոցիալական ապահովության վճարի գծով պարտավորությունների վերահաշվարկ, որի արդյունքում ՀՀ Ոստիկանության անձնագրային և վիզաների վարչության սոցիալական ապահովության վճարի անձնական հաշվի քարտում առաջացել է գերավճար: Այսինքն, ՀՀ Ոստիկանության անձնագրային և վիզաների վարչության սոցիալական ապահովության վճարի գծով պարտավորությունների վերահաշվարկման հետևանքով վերացել է նաև ՀՀ ՖՆ իրավաբանական վարչության պետի 21.08.2015 թ-ի թիվ 46 որոշման մեջ մատնանշված պարտավորության գանձման անհրաժեշտությունը:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով հանձնաժողովը

ո Ր Ո Շ Ո Ւ Մ Է՝

Չեղյալ համարել ՀՀ ՖՆ իրավաբանական վարչության պետի 21.08.2015 թ-ի թիվ 46 որոշումը:

Հանձնաժողովի նախագահ՝


Վ.Մ. ԽՈՎՀԱՆՆԻՍՅԱՆ

